

heraus brennen/nachmals dieselbigen Gefesse mit Benedischem Glase inn  
vnd außwendich vergläsen/das das Glas in die Löcher daraus sich die Kle-  
yen vnd Sägespäne gebrant haben/fließe/dardurch sie dann sehr feste wer-  
den/vnd gar wol im Feuer halten/ vnd sein diese also zubereiteten Gefesse  
viel besser zugebrauchen/ als beschlagene GlasKolben.

**Von Præservation für Venenosischen vnd an-  
dern schädlichen Spiritibus, so sich etwan in eklichen, für-  
nehmlich aber in denen Destillationen vnd Chymischen arbeiten /  
der Mineralium vnd Metallorum, &c.  
begeben mögen.**

Sintemal in Chymischen arbeiten vnd zubereitungen/fürnehmlich ab-  
ber der Mineralen vnd Metallen/bißweilen giftige vnd andere schädliche  
Spiritus sich verursachen können/so erachte ich nötig zu sein/den Chymis-  
cis vnd Feuer arbeitern solcher dinge/diñfals vnd sonst auch für vergifftete  
Lufft vnd andere schädliche vnd gefehrliche infectionen, ein krefftiges Præ-  
servativum anzuzeigen vnd anhero zuseßen/welches sie nußersprießlich in  
solchen fällen gebrauchen sollen. Folget:

Nim Knoblauch vnd Welsche Nüsse jeders eine Handt voll / stosse es  
durch einander/vnd nim Honig laß es in einer Pfanne wol faynen / thue  
jetzgedachte Mixtur darein/darnach mische noch darzu Theriaci optimi  
ein Unß / Ingber/Megelein/Muscaten nüsse/jeglichs ein halb Loth/ diese  
Species müssen alle auffß subtilste gepuluerisirt sein / agitirs auffß beste zus-  
ammen/das also ein Electuarium draus werde/hieruon täglich des Mor-  
gens nüchtern/vnd wann man an solche gefehrliche arbeit gehen wil / einer  
Haselnuß groß eingenommen/vñ auch dauon etwas im Munde gehalten/  
auch in die Nasenlöcher/Dhren/ an die Schlaß vnd Puls/etc. gestrichen.  
So können die scharffen starcken bösen vnd giftigen Spiritus, vnd andere  
schädliche nfectionen, nicht leichtlich haßten noch schaden bringen/ etc.

Betreffende die Ofen/ so wol die Gefesse/ welche zur Distillation vnd  
derer zugehörigen arbeit man gebrauchet / dauon allhie viel zu schreiben/  
vnd